

先秦—清末



《中國野史集成》編委會

四川大學圖書館

編

中國野史集成

錢謙題



巴蜀書社

《中國野史集成》編委會
四川大學圖書館 編

	中
集	國
成	野
20	史

先秦——清末

巴蜀書社

目 錄 (第二十冊)

明書(卷六五—一二六)

明書卷六十五

靈壽傅維麟纂

志十

職官志一

史官論曰建官之典虞周大備明太祖鑒前聖酌上代制百官分理庶政俾輻輳並進用以翼天子康海宇奠蒼生雖專領兼攝於古微有不同而規模品式大抵相為損益故權殺於漢而董正之綱維自定員省於唐而職任之貫理亦周祿涼於宋而蠲復之恩科愈厚即有驕陵旋麗陳臬豈無允贄亦復汰除文武夾維內外交應協恭互發則

明書卷六十五

指臂相隨輒斷獨行則齟齬不遂防微曲算亦可謂精詳矣第九重尊窳堂陸懸絕尊卑過嚴泰交未洽而用人之柄專於銓曹况疆土延袤萬里而逃昔均四海未有若斯然古列侯各君其國家宰事簡自分郡縣置吏寢多猶有長吏自辟士今考明中宦籍自土官而外凡二萬四千九百三十四員掾史無算一切待命天曹其統百官不其艱哉書有之明王奉若天道建邦設都承以大夫師長不惟逸豫性以亂民噫要哉言矣厥後事益繁茲官輕添設夫官多則民擾迨其季也閭閻困瘵而鼎錄淪移書又有之民非元后何戴后非民罔與守邦然君者羣也後之覽者

盡思虞周聖王設官為民之意作職官志

初立中書省設左右相國正一品尋改左右丞相各一人左右丞各一人參知政事二人總領眾職分錢糧禮儀刑名營造四部其屬左右司郎中各一人正員外郎各一人正都事各一人中書舍人正七二十人是年設六部統於中書洪武十三年胡惟庸朱罷中書省敕嗣君不許立丞相而竣臣下奏請復立丞相之制先是六部尚書正三品以下遞降至是陞正二品以下遞進設官百有五人分領中書之政與都察院通政司大理寺為九卿不相壓事皆朝廷總之建文陞尚書正一增侍中一人位侍郎上太宗復

明書卷六十五

故革侍中永樂元年以北平為北京置北京行部尚書二人侍郎四人其屬六曹清吏司如六部既遷都罷行部分置行在六部十八年除行在字而在應天者加南京字洪熙元年復稱行在正統六年復除諸司亦如之終明政分六部而中書省不再復止留中書舍人遂別於六部自為科

初立三公府設太師太傅太保曰三公正一少師少傅少保曰三孤從無兼領者太宗罷公孤官革三公府仁宗復設惟侍上左右備顧問咨機務無定員無專授為勳戚文武大臣兼官加官贈官文臣則惟贈乃得三公不生授嘉靖

初楊廷和一品十二年加太傅辭不受萬歷初惟張居正領太師

立宗人府宗人令正初爲太宗正院以親王領其事已而

勳戚大臣攝府事不備官尋改宗人府令一人正左右宗

正各一人正左右宗人各一人正其屬經歷司經歷一人

從五宗人令掌皇九族六親之屬籍時修其玉牒譜系辨昭

穆親疏之數司宗室子女適庶名封生卒婚嫁諡葬凡宗

室奏請爲聞上達材能錄罪過而左右宗正宗人爲之貳

經歷典出納文移

立吏部部尙書一人正主天下官吏選授勳封考課之政

明書卷六十五

三

令總司政本公制置黜陟以贊於天子侍郎爲之貳左右

二人正其屬清吏司四曰文選曰考功曰驗封曰稽勳司

各置郎中一人正員外郎各一人從五主事文選考功各一

人封勳各一人正綜其事司務二人從六省署抄目受發文

移爲首領官文選掌天下文吏銓選作缺改調保舉推陞

之事計官京師一千四百七十六南京五百五十八外二

萬二千九百合前類凡入選釐流品平注擢毋得相先後

凡陞必考滿不及考滿曰推陞各有員數待上命以署職

試職實授莫年資以裁革并省兼攝添設註選量繁簡以

薦舉起廢徵召達賢傳以帶俸添註寄恩宥以降調除名

馭罪過以官程課吏治以甯假悉人情制凡王官不外調

王嫺不外授大臣之族不得任言官僚屬有族人下邇上

傳陞乞陞者許執奏若納粟馬銀乞遠方不得銓府佐州

縣正官考功掌考課黜陟之事凡內外官給由再考引請

三考奏請六年考察京官三年大察外吏大臣不註考四

品得自陳內外官有劾章品其良不肖擬去留聽上大臣

自陳下亦如之而王官倉場庫官巡檢教官及流外充皆

有考及九年陟無過一等惟舉人晉教則得引選試陞陟

無等諸致仕有許否凡請葬祭贈謚廕按其滿考被劾與

否傳公議以聞以閑劇量殿最以旌異廉政績以貢舉搜

明書卷六十五

四

遺逸以保留達民情以紀錄懲過以謫戍糾罷開官吏

驗封掌封爵襲廕褒贈及吏算之事凡公侯伯勳烈外戚

恩澤及闕里大宗各徵其誥券適孽功罪封號以第其世

流除之等以土流取夷官以誥敕別封贈以進階貤封加

贈追奪勳愆良以廢敘錄任子以等級給散官以考撥差

吏晉以須知訓入官稽勳掌勳級名籍喪制之事凡文官

五品以上授勳百官黃類登之內府有故則除之凡三年

喪解職糾奪喪禁短喪謫匿喪分奔喪與否勘終養者復

姓更名必登版四司各帥其屬奉其職贊尙書之政令而

部尙書首六卿擬天官冢宰特尊重焉

立戶部尙書擬地官主天下人民戶口田賦征役經費之政令經鹽法邊儲金穀出納之制以贊於天子侍郎二人爲之貳司務照磨正檢校正典磨勘計算爲首領官明初設清吏司四曰民部主天下省府州縣之圖志以周知其地里古今沿革山川險易土田肥瘠寬狹戶口物產多寡登耗之數曰度支主會計天下存留起運若糜祿俸給之經費曰金部主天下魚鹽稅課若賦罰之折收曰倉部主兩稅起運倉庾之委積已上念地曹務繁更定爲十五清吏司後革北京及交趾爲十三司各理一布政使司戶口錢糧賦役課程之事而司分四科如舊四司名郎中員

明書卷六十五

五

外主事所添設繁簡視所司劇易無常員而以兩直隸之貢賦分理之外提督倉場尙書或侍郎一人所屬衙門有寶鈔提舉司提舉一人正副提舉一人抄紙局廣積庫承運庫太倉銀庫節慎庫印鈔局寶盈局御馬倉張灣批驗所寶鈔廣直庫賊罰庫甲乙丙丁戊字庫外承運庫行用庫軍儲倉各大使一人正副使九或一人或二人各司之職以版籍稽賦役以墾荒業貧民以占籍附流民以畸零寄細民以馴野馭羈縻之民以圖懷抑兼并之民以折劑米值以平米均田稅以布斂庸調以桑棗課農官以芻地給馬牧以里老攝鄉社以律誥嚴禁防以給除差優復

以珍異儲上供以鈔錠節恩賞以限田裁異端以賜田懷降虜以封閉密砂鑛以金穀累賦罰以課程攔雜物以關權市船材以引由嚴茶政以權量和市易以時估約均輸凡獻產漏產詭產朋戶析戶逃戶有禁亂宗類消良賤遊手遊食有禁毀鈔過錢有禁諸王大臣毋得請常課乞閑田其諸大政詳專志多戶曹事而邊郎掌出納邊儲五歲科道各一人覈糾乾沒凡鼓鑄抽分草場糧餉皆有專差無定官相應者予敕遣而諸提舉及倉庫則各程其出納簿錄其行績隸焉

明書卷六十五

六

立禮部尙書一人擬春官掌天下禮樂貢舉封建朝貢祭祀宴饗藝術僧道之政令敘辨諧秩凡制令敷奏率其屬以贊於天子侍郎二人爲之貳屬清吏司四曰儀制曰祠祭曰主客曰精膳各郎中員外一人主事二人而主客提督四夷館者主事一人儀制掌禮文宗封學校科貢之事若天子卽位立太子冊皇后妃嬪上慈宮徽號皆擬上其儀報可而令於諸司凡朝賀經筵耕藉視學釋奠皆舉儀制而上之皇帝諭諸王外國百官曰詔制敕誥書凡五等太皇太后皇太后曰詔百官陳事於皇帝曰表奏題凡三等太皇太后皇太后亦如之於皇太子曰箋曰啓皇后亦如之皇帝批答曰聖旨皇太子曰令旨太皇太后皇太

后皇后曰懿旨親王亦曰令旨天子太子諸王講讀朝賀皆辨其等儀而諸命婦朝賀亦如之凡歲一封宗室王郡王將軍中尉妃主君各以親疏爲等凡監學條其規約而歲貢科舉會試殿試皆條議上請辨文移體式上下日照會曰割付曰故牒曰帖下上曰咨呈曰牒呈曰呈曰中敵曰咨曰關曰牒皆以印識通上下防奸僞印文四等曰玉箸曰柳葉曰九疊曰八疊及王章夷王印職宴饗曰大曰中曰小而郊宴最大射禮二曰大曰宴皆酌古禮而殺其儀節凡冠婚辨其等類名數官民服舍有定式禁其踰僭凡巡狩親征班師策勳行賞第禮儀條上凡祥瑞辨其物

明書卷六十五

七

大功小功總之制皆傳古禮損益頒行之凡謚皇帝十七字皇后十三字皇妃二字或四字太子及妃二字親王一字郡王二字勳戚文武大臣請葬祭贈謚移諸司覈傳公論定議以聞葬祭有差謚二字其侍從勤勞死事官品未應謚若夷王夷使得特謚凡帝后愍忌祀於陵輟朝不廢務凡天文地理醫藥卜筮師巫音樂籍其人毋得以術越境行妖妄毋藏識緯元象凡僧道三年一度度必通經咒以周知冊檢其僞冒而嚴其禁令凡樂曰中和韶樂曰堂下曰丹陛曰佾食曰大樂凡雅樂屬於祠祭太常領之俗樂領於伶人設教坊司奉鑾一人正左右韶舞各一人左

明書卷六十五

八

右司樂各一人未人設俳長色長歌工樂工舞人各專其業而籍用之宮中女樂以教坊官妻提調之主客掌戎夷朝貢往來宴賜之事凡番夷辨其五年三年比年年至年再至之貢與其貢物貢途貢使豐約遙徑多寡之數王若使至賓待之差其迎送宴勞賞資室廬帳幕食料之等嗣封者爲請使頒冊於其國諸大酋有保塞功者授冊印封之以信符徵勘合以金敕諭差發以通事譯夷情以開市平交易以折計收番貨以刑典禁交通凡賜均賞特賞各有差凡域中歲徵其方物有常式精膳掌宴饗牲牢酒膳之事凡膳羞珍品酒醴光祿領之會其數程其出納凡貲

宴辨職官品秩之等凡番夷土官辨下程宴次食料多寡之等凡廚役僉諸民次僉諸王府典膳之久次者凡歲藏冰出冰移所司謹潔之諸皆贊尙書首領曹屬如天官而鑄印局大使副使隸焉

立兵部擬夏官尙書一人掌武衛官軍選授簡練鎮戍收傳郵輿阜之政令經戎馬之治凡制命敷奏率其屬奉其職業以贊於天子侍郎二人爲之貳京營戎政或尙書侍郎一人協理之屬清吏司四曰武選曰車駕曰職方曰武庫武選掌武官選陞襲替功賞之事凡世武官九等曰指揮使同知僉事正副千戶衛鎮撫實授試百戶所鎮撫

明書卷六十五

九

凡流官都督三等都指揮三等不得世卽有世出特恩凡歲選六官二等曰新曰舊官皆有世流世曰襲曰替其幼也曰優給以厚武功不得世者曰減革曰通革非眞授者曰試職曰署曰納有以銜以清冒濫凡首功四等曰虜曰夷曰番蠻曰反賊凡戰功二等曰奇曰頭凡賞二等曰加曰量以辨武功凡推陞勳臣若武舉薦舉會舉以二人請凡將材三歲以子午卯酉年武舉比鄉試辰戌丑未年武會試亦廷試其前列者放榜傳臚六歲會舉歲薦舉皆籍而用之凡土官六等曰宣慰宣撫招討安撫長官千夫長其子弟族屬若妻壻女甥皆得授從其俗凡夷官自都督

及鎮撫凡十四等皆以詰敕辨冒僞凡傳陞乞陞非軍功陞者得執奏以考選比試併銓達材而程力以効功課將領以遞降練卒徒以貼黃正圖狀以初績徵詰敕以褒卹勵死戰以優養恩故絕以引類登選簿以殺降失陷避敵激變肅軍機以典刑敗倫行劫退陣斷世祿以寄祿馭恩倖以覆訊糾捕緝軍駕掌輿輦車乘守衛殿牧郵傳之事凡大朝賀大禮儀陳鹵簿大駕常朝設陞辨其物數而序次之凡侍衛殿陛全直常朝番直凡守衛親軍衛盡前左右後四行而日夜巡警之皆有團伍定其多寡第其番之上下慈宮中宮之鹵簿東宮儀仗侍皆屬焉凡衛直有勳

明書卷六十五

十

威武官勳衛將軍力士校尉凡馬政受牧官籍帳而程督其登耗闌逸之數以營牧節芻牧以印俵防欺冒以色齒覈抵謾以糧馬征南夷以茶馬通西番以市馬糜胡虜皆以足軍實令京營邊鎮毋乏馬凡傳郵曰水馬驛曰遞運所在京曰會同館皆以符驗關券行之以黃馬快船致貢獻練水軍職方掌地圖軍制城隍鎮戍簡練征討關津之事凡地圖諸邊腹疆界地里遠近險易三歲一報官軍車騎之數亦如之而辨其扼塞守禦之令凡軍制內外相維自五府司衛所以達夷官各統其官軍及部落聽征調守衛朝貢保塞之職都督府五都指揮使司二十一留守司

二衛四百九十一守禦屯田羣牧千戶所三百十一儀衛司三十三宣撫招討宣慰安撫長官司九十五番夷都司衛所四百有七皆隸焉凡城隍以時濬築閱視之凡鎮戍將校五等曰鎮守協守分守守備備倭其官稱曰總兵副總兵參將遊佐擊將軍曰都指揮曰行都指揮凡六等以時飭屯防扼險要程將校之勤逸稽其什伍存逸械精頓之數教以坐作進退疾徐疏數之節金鼓麾旗之號凡征討請命將出師移所司以懸賞罰調兵食紀功過軍有功聽御史紀覈移武選陞賞以保塞障邊徼以烽堠傳消息以清勾驗補收垛問發冒漏除豁覈冊籍以存恤優初

明書卷六十五

十一

役以壯快簡鄉民以關津詰奸盜武庫掌戎器符勘尺籍武學薪隸之事凡戎器守衛邊鎮若征行准諸司移工部請給火器請內府凡使人出邊關先驗勘合凡制敕調邊兵必比勘合勘合皆出內府凡尺籍衛所上缺伍圖冊府縣上軍戶文冊下諸省司按旬衛所即去府縣近不得輒相移凡清軍以跟捕紀錄開伍結除停勾嚴稽其冒漏而寬其恩復凡武學教武職幼官及子弟未嗣官者籍其功能歲終檢奏六年一會舉應文武舉者聽怠不率教者罰黜有差凡阜隸直衛柴薪二等辨官品而多寡其數並顧役諸皆贊尙書諸首領曹屬官如春官而山海關設主事

一人京衛武學有教授一人訓導一人皆未入流以進士爲教授准其甲第會同館大勝關皆有大使正副使九從成隸焉

立刑部部尙書一人准古秋官掌天下刑名徒隸勾覆關禁之政令凡制命敷奏率其屬奉其職業欽恤明慎以贊於天子侍郎二人爲之貳置十三清吏司如戶曹主兩京十三省之奏當司郎中員外各一人主事各三人漕運理刑主事一人司務二人照磨所照磨一人正檢校一人司獄司司獄一人未入流而照磨所照刷文卷紀錄賊私諸司如宗室勳戚官吏軍民蠻夷麗於法者詰其辭察其情

明書卷六十五

十二

僞傳律例而比其罪之重輕律例所不及者上下附而以請凡天下歲獄其死罪刑平之奏凡詔獄必附律例請上裁凡應減者下就輕應加者上就重重不得至死凡律例有殊旨別敕詔例榜例非經請議著令者不得引爲比凡死刑即決及秋決並三覆奏蒞戮於市凡贖罪視罪重輕爲差死罪雜犯從末減者聽收贖凡簿錄俘囚配沒給賜官私奴婢必籍知之凡籍產不得及其先墳塋凡賊罰計估易銀歲鈔類入內府凡獄成移大理寺讞評焉凡訴冤外內皆自下而上急者擊登聞鼓凡重囚京師歲霜降會五府九卿科道共慮之以請情眞者決矜疑者戍邊有詞

者調所司再問比律者監候五歲請敕遣官出京府兩京十三省審錄曰恤刑減釋冤濫者凡夏月錄囚免笞刑減徒流而下刑辨重刑凡提牢月更主事一人葺囹圄固械繫而時其飲食有病醫藥之凡官有過紀錄之兩京歲抄請敕消除紀過凡大祭祀止行凡四方有獄受命而往成之以名例攝律條以准皆各其及則若入者括律詞義以五服參情法以墨涅識竊盜宗人不卽市宮人不卽獄悼耄癯殘不卽訊皆以贊尙書

立工部部尙書一人準古冬官掌天下工役農田山川澤藪河渠之政令凡制命敷奏率其屬奉其職經制規畫以

明書卷六十五

五

贊於天子侍郎二人爲之貳其屬清吏司四曰營繕曰虞衡曰都水曰屯田營繕掌經營興造之事凡大內宮殿陵寢城壕壇場祠廟廨署倉庫營房之役鳩力會財而以時督程之王邸亦如之郡王而下與邸資有差凡鹵簿儀仗樂器移內府及所司各以其職治之而以時省其堅潔董其竄濫凡置獄具必如律凡工匠三等曰輪班曰住坐凡工四二等曰正工曰雜工雜工三日當正工一日凡省工視役繁簡而節其財力凡會有無移內府虞衡掌山澤採捕厲禁陶冶之事凡採捕禽獸及革骨羽毛以供祭祀賓客精膳羞凡軍器軍裝移內府及所司歲造或三歲二造

明書卷六十五

五

必程其堅緻以給邊凡獵政以時冬春之交罝罟不施山澤春夏之交毒藥不施原野苗盛禁蹂躪登禁焚燎若害田稼獸聽爲陷筭獲之實有差凡禽獸水課禽十八獸十二陸課獸十八禽十二凡諸陵山麓不得入斧斤開窰治置墓墳凡帝王聖賢忠義名山嶽鎮陵墓祠廟有功德於民者禁樵牧凡山場園林之利聽民取而薄征凡陶冶瓷甃籍其常造年造之數計其入慎藏之無輒毀以費民凡鑄造審其模範計銅鐵而鎔之金牌信符鑄之內府凡鑄錢當十當五當三折二小錢凡五等鼓鑄於京師及重鎮凡顏料徵土產不强其所無否徵其直都水掌川瀆陂池泉澮洪淺道路橋梁舟車織造券契衡量之事凡水利曰轉漕曰灌溉歲儲其金石木竹菴埽以時修其閘壩碇淺堰圩隄防護蓄洩以備旱潦無使壞田廬墳隧禾稼舟楫磴礮不得與灌田爭利灌田者不得與轉漕爭利凡水役以農隙急則驟理之凡水要會京朝官專領之以督有司凡鱗介萑蒲之利聽民取之而薄征之凡道路塞其坑坎上巡幸若大喪大禮治而新之凡橋梁曰舟梁曰石梁計工力而創修其大津不能梁官給舟人量其大小難易而食之凡舟七等曰黃船曰馬快船曰海運船曰洋船曰備倭船曰戰船曰糧船糧船之用最急費最大皆會其財

用下諸司酌其多寡久近勞逸而均劑之凡車三等曰大車曰小車曰戰車亦如之凡織造冕服詔敕制帛祭服淨衣諸幣布移內府南京諸省供之周知其數而慎節之凡公侯伯鐵券差其廣高凡祭器冊寶乘輿牌符雜器會則於內府凡衡量謹其較勘而頒之懸式於市屯田掌屯農墾墾抽分薪炭夫役之事凡屯田腹邊公田閒田沒田給備所耕劑其地力人力而徵其子粒官軍省餽餉凡在邊牛犂諸器官給之凡墳塋宗室勲戚文武官各有差堂牌碣獸亦如之凡抽分征諸商率三十分取十五取六取五取四取三取二取一凡七等凡薪炭南取洲汀北取山麓

明書卷六十五

五

徵諸民有本折色酌其多寡而撙節之凡夫役伐柴轉柴皆僱役周知其數而時蠲之首領部曹官如夏官諸皆以贊尙書若營繕所所正一人正副二人入正丞四人入正文思院軍器局皮作局寶源局鞍轡局廣積通積通州白河抽分竹木局織染所雜造局蘆溝橋抽分竹木局各大使一人副使或一人或二人三人大通關提舉一人入正典史一人入流隸焉

立都察院先是吳元年設御史臺從一品設左右御史大夫御史中丞又有侍御史治書侍御史殿中侍御史經歷都事照磨管句監察御史譯事引進使洪武十三年改正

二品設左右中丞是年罷御史臺至十五年改曰都察院正七品設監察都御史八人分設浙江等十二道監察御史正鑄監察御史印文曰繩愆糾繆十六年進正三品設司務十七年陞正二品定設都御史副都御史僉都御史建文罷左右都御史設都御史一人副僉都御史各一人改爲御史府設御史大夫正革十二道置察院一御史二十八人改諸御史爲拾遺補闕太宗卽位復故其北平貴州交趾雲南改置之若巡撫則本於懿文太子巡撫陝西取巡守撫軍之義永樂中遣文臣若尙書侍郎通政參議少卿寺丞皆得奉敕行事景泰始定用憲職自後必以都

明書卷六十五

五

御史卽尙書侍郎必兼之在京於是設左右都御史二人正準漢御史大夫左右副都御史二人正三左右僉都御史四人正準古中丞其屬司務二人正九經歷司經歷一人正六都事一人正七照磨所照磨一人正八檢校一人正九司獄六人正八在外則邊防山海之重各設都御史皆右或都或副或僉無定銜總督則陝西宣大薊遼各一人總督督漕運兼巡撫江北一人總督糧儲兼巡撫江北一人總督南京糧儲一人提督軍務兼巡撫兩廣南贛保定山西各一人總理河道一人贊理軍務兼巡撫陝西一人提督軍務兼巡撫浙江福建甘肅甯夏延綏大同宣府遼東湖廣四川

雲南貴州各一人整飭薊州邊備巡撫順天一人撫治鄖陽一人巡撫河南山東江西一人至鹽法屯田督餉採木討賊禦虜總制經略巡視無常員左右都御史主天子耳目風紀之司率其屬肅紀守法以贊於天子副僉都御史爲之貳凡大臣奸邪小人構黨作威福亂朝政者劾凡百官猥茸貪冒壞官紀者劾凡學術不正上書陳言變亂成憲希進用者劾而朝覲考察都御史入天官臺司賢否黜陟之斷大獄重囚會鞠於外朝或奉旨同刑部大理寺讞平之其奉敕內地拊循外地防鎮各以其敕行事屬十三道監察御史一百三人^正有十人八人七人二人凡四等

明書卷六十五

七

主察糾內外百司之官邪或露章面劾或封章奏劾凡差在內京畿道刷卷巡營軍提學清恤軍巡視光祿巡倉庫城門在外巡按清軍刷卷巡鹽茶河關屯田印馬師行則監軍紀功各以其事專監察差三等點差上二人奏差上一人劄差不請上諸差惟巡按爲代天子狩最雄要轄所按藩服大臣若府州縣官諸考察舉劾尤專興利去害大事奏裁小事立斷而河南道掌印者獨柄諸內外考察凡朝會糾儀祭祀監禮凡政事得失軍民利病得直言無避凡罪囚按巡審錄有故出入理辨之凡大獄敕下臺推奏當上聽裁常獄擬罪移評大理寺凡有大政集闕廷預議

焉凡推陞亦集知不可輒論止蓋六部至尊重然有專司而都察院惟所見聞得糾劾無職司總憲綱諸御史綱劾務明著實迹開寫年月毋虛文泛詆訐拾網瑣抑戒令慎重焉而御史差竣復命都御史覆其稱職不稱職以聞而釐降之又御史犯罪加三等有賊從重論經歷都事典出入文移敘差御史司務典參謁受事照磨檢校典磨勘卷

宗

立通政使司明初設察言司設司令尋革始置通政使司如今官建文中改通政卿少卿寺丞增置左右補缺左右拾遺各一人永樂初復故設通政使一人^正左右通政各

明書卷六十五

六

一人^正左右參議各一人^正五^正騰黃右通政一人經歷司經歷一人^正知事一人^正八^正通政使準古納言掌出納帝命通達下情凡諸司出入移狀奏報與四方臣民建言陳惻之實封及軍情聲息災異皆審署參覆而上下焉左右通政及參議爲之貳凡日常朝引奏人凡事月終類奏歲終通奏凡四方雨澤歲杪面奏凡錯誤籍而類請之凡在京獄訟詞狀判送法司推問凡出入文移以驗正之記日照之記記之騰黃者錄武官黃於內府核其歸附征充陞轉衛所世流替襲之故以徵選事經歷知事典勘對題奏移狀立大理寺吳元年初置設卿少卿丞評事尋革復改設審

刑司又置磨勘司洪武十七年復大理寺與刑部都察院審刑司五軍斷事司並爲貫城尋罷審刑司等獨與六部都通稱九卿陞正三品二十九年革建文中復置永樂因之設卿一人正三品古廷尉少卿二人正四品丞二人正五品寺分左政令少卿丞爲之貳贊天子事正七品卿掌審讞允反刑獄之石置左右寺正正六品寺副正六品評祥刑與刑部都察院並列爲二法司凡刑部十三道推問刑名按律例慮而復問其狀款服則決之否則駁訊必服乃決每歲會九卿朝審重囚凡錄囚徒會刑部都察院司務典出納文移左右寺分理京畿十三省刑名之事凡刑部十三道有刑名則據其由

明書卷六十五

九

狀訊其人合律例若囚服准擬否駁再擬改正白照駁三擬不當糾問官曰參駁悟律冤甚者移調問曰番異再異則請下九卿會問曰圓番已平允慮未當移再問曰追駁不改者徑請奏上裁曰制決凡各省三司直隸死刑並讞乃聽決撫按察惟死刑呈刑部轉讞凡笞杖罪移審徒流以上奏審若律例無正條上下比請曰類奏平反刑獄狀南京有重囚平審而類奏亦如之

殿閣大學士明初倣宋制始設以吏尙書邵質檢討吳伯宗爲華蓋武英殿大學士翰林學士宋訥典籍吳沈爲文淵閣東閣大學士皆侍左右備顧問然不得平章軍國事

如異時已召耆儒鮑恂張長年俞銓至命爲文華殿大學士三人辭不就而殿閣大學士始於此太宗入踐極念機務殷重欲廣聰明措天下於理也開內閣於東角門簡翰林待詔解縉爲侍讀擢中書舍人黃淮王府審理楊士奇爲編修進修撰胡廣爲侍講編修楊榮爲修撰召戶科給事中金幼孜桐城知縣胡儼爲檢討皆以翰林院銜入直文淵閣爲耳目腹心日百官奏事退內閣臣造展前密勿謨畫率漏下數十刻始退諸六部大政咸共平章秩五品而恩禮賜賚與尙書埒蓋內閣豫機務自此始是時閣中有文淵閣印章獨與諸司異凡封進詔草若登答章奏用

明書卷六十五

三

之不得下諸司卽下諸司以翰林院印行諸司上內閣亦獨稱翰林院而翰林院爲內閣官已上命吏部言內閣臣侍朕久繼自今考滿直內閣者勿補外益尊重然其後縉爲交趾參議准傳下詔獄早卒士奇榮幼孜事上二十三年官五品不遷蓋嚴慎如此而制三公三孤不以授仁宗漢焉淵衷復命公孤官謂侍臣曰此皇祖制也皇考明聖可無須此朕沖人歷天下事日淺豈自謂能無保傅何望已又設謹身殿大學士旣又建宏文閣論大臣曰卿等各

學士傳旨繼授五經博士掌閣事進佐之尚書義舉學錄楊敬訓導何澄敦實卽授敬編修澄給事中皆直宏文閣於是華蓋謹身武英三殿及文淵閣東閣俱有大學士而東閣文淵閣大學士不得旨入內閣亦不得預機務也正統初英宗以幼冲在位閣學士博士奇榮協力翌輔適當盛葉而天下又康然初政本在殿閣後閣振得柄大社幾搖蓋自是中書大權與中禁大璫內外相低昂時爲輕重矣景泰時都御史文實以孤卿入內閣而內閣大學士始領吏尚書兼保傅銜職機務如故而益隆重然猶修撰贊善通參少卿少詹皆得入內閣預機務乃後部尚書若卿

明書卷六十五

主

必夙處禁林列吏禮者乃得入餘臺省不與矣嘉靖中天子自聖神於殿閣臣以獨斷專拔擢而博疇咨於會推時有負違旋就屏逮已改名奉天殿爲皇極殿華蓋爲中極謹身爲建極而大學士因名官如初文華武英文淵閣東閣俱設大學士凡始進必以東閣著爲令乃隆慶初大學士拱以青宮恩領少師入內閣出筦吏部則與樞內秉大鈞顯兼至萬厯初大學士居正亦以青宮恩在內閣身都師相代天言工天下震焉蓋職業崇於中書體統尊於三公省府之名雖廢而閣權甚隆儼然周宰漢相上矣天啓中權璫內閣煽虐內閣多所私置大約頰首聽鼻息及崇

禎以意用人殿閣雜進無相業可紀國觀以直見棄延儒以貪見棄蔣陳棄主於臨危藻德駢首於賊黨而內閣之爲內閣可知已制大學士正預機務者主出納帝命奉規陳誨獻納謨猷六部百司諸題奏入擬議批答以平庶政不得專制九卿九卿奏事亦不得相關白凡上所下曰詔曰誥曰制曰敕曰冊曰諭曰書曰符曰令曰檄皆審署中覆而調劑焉平允乃行凡下所上曰題曰奏曰啓曰表曰箋曰講章曰書狀曰文冊曰揭帖曰制對曰露布曰譯皆審署中覆而裁畫焉平允乃下經筵則知其事東宮出閣講讀則領其事修實錄史志諸書則充總裁官實錄成呈

明書卷六十五

主

訖焚其草禁中凡宗室請名請封及諸臣請諡並擬上凡圖書繕寫校讐皆課而察之凡郊祀巡狩扈上行凡累朝御文實錄寶訓玉牒之副若古今書籍皆籍而藏之凡會敕稽其由狀敘述上請凡會試廷試國子生課歲貢生試譯子生試皆總領之選庶吉士及課試皆主其事品第高下爲去留凡制敕詔旨誥命冊表寶文玉牒講章碑額題奏揭帖凡應機密文書及王府敕符底簿下制敕房書辦凡文官誥敕番譯敕書并彝書揭帖紀功勘合皆稽按典故起草進畫下誥敕房兩房設典籍各一人從中書舍人無定員有試職有實職司書辦事若漏洩稽緩遺失妄誤

皆有罰

乃重翰林院吳元年置翰林國史院正設學士承旨學士

侍講學士侍讀學士直學士典簿待制修撰應奉編修典

籍檢閱尋改翰林院尋更正五品革承旨直學士待制應

奏檢閱典簿設孔目五經博士侍書待詔檢討乃命諸翰

林官考駁諸司章奏後止設學士等如今官又有秘書監

宏文館及起居注等官未幾皆革以本院各官兼之建文

中增學士承旨一人文學博士二人省侍講侍讀學士置

文翰文史二館文翰館設侍書文史館設修撰編修檢討

太宗復故乃選庶吉士初稱中書六科庶吉士又有承敕

明書卷六十五

重

監庶吉士尋獨於新進士選擇而教養之無定員試而留

者二甲為編修三甲為檢討不得留者為給事中御史主

事或出為州縣官乃定為翰林院官定設學士一人五侍

讀學士二人侍講學士二人皆從為正官侍讀侍講各二

人皆正五經博士五人正侍書二人正待詔一人從為屬

官修撰從編修正檢討從為史官而孔目一人未入為首

領官自明初陶安以翰林學士謀猷文章潤色鴻業尋開

文華堂選天下舉人年少質美可進學者張唯等擢翰林

編修入肄業其中詔宋濂桂彥良為之師上政暇輒幸堂

者業而光祿日給饌皇太子諸王日迭主賜冬夏衣及白

金鞍馬已又選成均之秀者入武英堂俾習問政事尋擢

給事中其後既罷中書省監察御史許士廉請復三公府

不聽而命翰林春坊入看詳諸司奏啓平駁之平允則列

名封進署曰翰林院兼平駁諸司文章某官某進蓋隱然

古中書之職已定品級而學士掌詞翰禮文章詔敕詳正

圖籍考議制度以文章備顧問出入侍從參謀議凡經筵

日講修書皆承受而統領焉先是學士於翰林院獨坐及

大學士進殿閣領公孤而翰林院中惟大學士座三稱中

堂學士位西東面掌院篆於諸司獨尊重講讀職專講讀

經史五經博士業專經佐講讀事待詔主應對侍書以四

明書卷六十五

重

體侍上書於唐為供奉官典籍守古今書籍史官掌修國

史摘制誥敕命代天言凡天文地理宗潢禮樂兵刑諸大

政上所下語皆籍而記之以備實錄為上心簡注者得入

內閣預機務兩直及大省會鄉會試充主考及同考官每

經筵日講召對皆從閣臣後記注起居及密勿謨議分曹

纂諸司章奏題覆月封送內閣藏與諸大臣皆無所統得

抗禮光卿詹事坊局皆兼翰林銜

建詹事府設詹事一人正少詹事二人正府丞二人正屬

官則有主簿從錄事從通事舍人未入

立左右春坊以文華殿東西廡為署設左春坊大學士正

庶子正諭德五中允正贊善司直六清紀郎從七司諫從八右春坊亦如之

立司經局於東宮之左設洗馬從五其屬則有校書正九正字正九

從九

以上四衙門皆宮僚不相統攝詹事左右春坊司經局各有印一切文移不相關會明初太祖建大本堂於東宮近華蓋殿取古今圖籍充其中召四方名儒教皇太子諸王皇太子居文華堂諸儒專經面授分番進直迭班侍從上時時賜宴賦詩商榷今古評論文學當是時有同知詹事院事副詹事左右詹事詹事丞左右率更率府使副使洗

明書卷六十五

五

馬庶子皆勳舊大臣兼之不別設府僚已又改贊善為贊善大夫增贊讀又置通事司設司司令司丞左右司直郎左右清紀郎最後始置詹事府列署於外設左右春坊於內司經局於東宮成化中始以春坊在清密地一切行各衙門揭投領不便寄署並詹事府先是洪武中制令春坊翰林院日二人進講諸書纂述始終大義為講章呈上覽已赴文華殿為皇太子陳說太子三師三少詹事府鴻臚寺官各一人侍召則同入有留身獨進者給事中司直清紀郎劾之而上日所處分府部軍國諸大務及撫諭四夷恩禮左右春坊官日陳說於東宮已又選秀才張宗溶等隨

宮僚分直文華殿侍讀畢進說民間利害田里稼穡古今孝弟忠信文學材賢諸故事尋命廷臣舉事義篤行之士充東宮官建文中增少卿臣各一人賓客一人又置資德院設資德一人資善二人其屬贊書贊讀著作郎各二人掌籍典簿各一人永樂初復故左右春坊大學士典東宮奏請啓箋講讀之事審慎而與殿閣大學士相頡頏監省之庶子諭德中允贊善各以其職為之貳凡東宮監國撫軍出狩及朝會出入覆啓書諸審署皆移文詹事會行凡祥胥啓告若伶僕改變新聲導逢非禮者陳古義中典制糾正之請胥遠其人凡內外庶政可為規諷者隨事贊論

明書卷六十五

五

司直主彈劾宮僚糾舉職事清紀郎佐之司諫掌拾遺補過以鑒誠為箴誨司經局洗馬掌經史子集制典圖書之事而校書正字掌繕寫裝潢詮其訛謬調其音切焉除屬官外府坊局官皆以翰林官兼為之或以尊兼卑以卑兼尊皆以尊銜列焉

明書卷六十五終

志十

職官志二

太子太師太子太傅太子太保俱從一品太子少師太子少傅

太子少保正二品太子賓客正三品皆東宮大臣而舊蒞詹事府

明初以勳舊兼領之建文立為皇太孫以公輔大臣兼宮

師保為尊重後不蒞詹事府三太以道德輔教太子而謹

護翼三少奉太子以觀三公之道德而教諭賓客侍太子

規誨贊相禮儀而先後之其後無專授獨為勳戚大臣兼

明書卷六十六

官加官贈官

重國子監監有祭酒一人正四品掌國學舉人貢生官生恩生

功生例生彝生幼勳臣教訓之事司業一人正六品為之貳修

古樂正成均之政令造以明體適用之學以孝弟禮義忠

信廉恥為之本以六經諸史為之業教以隆師親友讀書

寫字有不率者扑之不悛徒謫之以升堂積分及格敘用

之法而勵益之以廩饌贈師生以力用給廚膳以賜予市

恩賚以甯假悉人情以撥厯練吏事以考選汰冗濫歲中

春秋上丁日祀先師則總其禮儀上謁先師幸太學祭酒

司業執經進講有講章其屬有監丞一人正八品坐繩愆廳參

領監事諸師生怠不率教及廩膳不潔並糾懲書識之而

堅明其約束博士從八品坐博士廳分經訓授助教從九品學錄從九品坐正義崇志廣業修道誠心率性六堂專教訓嚴

程課講說經義道約之規矩典簿一人從八品典出納文移受

支金錢為師生饌季報諸生課業做書以聽於翰林歲杪

奏上典籍正九品掌經史子集及制書掌饌一人未入流掌飲食

師生於是禮部尚書侍郎翰林詹事春坊司經局若國子

祭酒司業官聯相通而遷補因之獨稱華重焉祭酒司

業例不坐彝倫堂南面以帝曾幸學設御座惟東面西面

而其署亦遂稱曰東廂西廂云

明書卷六十六

太常寺專祭祀禮樂之事卿一人正三品少卿二人正四品提督四

夷館少卿一人寺丞二人正五品典簿二人正七品博士二人正七品凡

天地神祇之祀饗總其官屬籍其政令以聽於禮部贊天

子致虔先歲孟冬進來年祭日上御正朝受之頒諸司凡

上躬祭贊相禮儀大臣攝亦如之若祭先朝諸省牲大祀

上先省大臣繼省之進版銅人上殿奏齋戒凡薦新品物

移光祿寺共凡國有冊封冠婚營繕出師歲時有旱澇國

有大災請告於郊廟社稷凡親王之國若朝還告謁辭於

廟凡祭滌器饗理香燭玉帛帳幄必恭潔玉三等制帛五

等牲四等樂四等舞二辨其名類而奏共之凡樂器不徒